


Тусдаа санхүүгийн тайлан ба Хараат бус аудиторын тайлан

Ард Санхүүгийн Нэгдэл ХК

2024 оны 12 дугаар сарын 31



АГУУЛГА

Компанийн талаарх мэдээлэл	4
Удирдлагын мэдэгдэл	5
Хараат бус аудиторын дүгнэлт	6
Тусдаа санхүүгийн байдлын тайлан	4
Тусдаа санхүүгийн байдлын тайлан (<i>үргэлжлэл</i>)	5
Тусдаа орлогын дэлгэрэнгүй тайлан	6
Тусдаа өмчийн өөрчлөлтийн тайлан	4
Тусдаа мөнгөн гүйлгээний тайлан	4
Тусдаа мөнгөн гүйлгээний тайлан (<i>үргэлжлэл</i>)	5

Компанийн талаарх мэдээлэл

Компанийн нэр:	“Ард санхүүгийн нэгдэл” ХК	
Үүсгэн байгуулах шийдвэр:	Ард санхүүгийн нэгдэл ХК нь 2007 оны 01 дүгээр сарын 30-ны өдөр анх үүсгэн байгуулагдсан.	
Гэрчилгээ	9010001145	
Төлөөлөн удирдах зөвлөл	Дарга	Ч.Ганхуяг
		Бруно Рашле
	Гишүүд	А.Сүхдорж
		О.Одбаяр
		Арно Вентура
		М.Сэргэлэн
	Хараат бус гишүүн	Ч.Мөнхбат
		Михаил Зелдович
		Роланд Нэш
Удирдлагын баг:	Гүйцэтгэх захирал	Б.Золбоо
	Санхүү эрхэлсэн захирал	Г.Билгүүн
	Хөрөнгө оруулалт хариуцсан захирал	Х.Билгүүн
	Үйл ажиллагаа эрхэлсэн захирал	Г.Уянга
	Аудит эрхэлсэн захирал	М.Мөнх-Эрдэнэ
	Технологи эрхэлсэн захирал	Г.Тэнүүн
	Хууль эрх зүй хариуцсан захирал	С.Нямгэрэл
	Ерөнхий нягтлан бодогч	Б.Оюунсүвд
Хаяг:	Компани нь Монгол улс, Улаанбаатар хот,	
Регистрийн дугаар:	2001861	
Үйл ажиллагаа:	- Санхүү, хөрөнгө оруулалт - Бизнесийн зөвлөгөө	
Ажиллагсадын тоо:	12	
Аудитор:	"Грант Торнтон Аудит" ХХК, Аудит, нягтлан бодох бүртгэл, санхүүгийн зөвлөгөө, сургалт, үнэлгээний итгэмжлэгдсэн байгууллага	

Удирдлагын мэдэгдэл

Удирдлага нь тусдаа санхүүгийн тайланг үнэн зөв бэлтгэж, компанийн 2024 оны 12 дугаар сарын 31-ний байдлаарх санхүүгийн байдал, уг өдрөөр дуусвар болсон үйл ажиллагааны үр дүн, мөнгөн гүйлгээ, өмчийн өөрчлөлтийг Санхүүгийн тайлагналын олон улсын стандарт (СТОУС)-ын дагуу зохистой толилуулах үүрэгтэй.

Тусдаа санхүүгийн тайланг бэлтгэхдээ удирдлага дараах үүрэг хариуцлагыг биелүүлсэн. Үүнд:

- Нягтлан бодох бүртгэлийн тохиромжтой бодлогыг сонгох, тууштайгаар даган мөрдөж, үндэслэлтэй, нягт нямбай тооцоолол, үнэлгээ хийж, бүх холбогдох нягтлан бодох бүртгэлийн стандартыг мөрдсөн.
- Компанийн эд хөрөнгийг хадгалан хамгаалах, аливаа заль мэх, зүй бус үйлдлээс сэргийлэх, ийм үйлдлийг илрүүлэхэд шаардлагатай арга хэмжээнүүдийг авч хэрэгжүүлсэн.
- Тусдаа санхүүгийн тайланг тасралтгүй үйл ажиллагаанд үндэслэн бэлтгэсэн.
- Өнгөрсөн үйл явдлын үр дүнд хуулийн дагуу эсвэл үүсмэл үүрэг хариуцлага хүлээсэн, ирээдүйн үйл ажиллагаанд алдагдал хүлээж болзошгүй зүйлсийг байнга хянаж байх үүрэгтэй бөгөөд хуулийн дагуу эсвэл үүсмэл үүрэг хариуцлага, болзошгүй зүйлсийн талаар тодруулсан.

“Ард санхүүгийн нэгдэл” ХК-ийн Төлөөлөн удирдах зөвлөлийн дарга Ч.Ганхуяг, Гүйцэтгэх захирал Б.Золбоо болон ерөнхий нягтлан бодогч Б.Оюунсувд бид энэхүү тайлангийн 4-10 дугаар хуудсанд үзүүлсэн компанийн санхүүгийн тайлангууд нь 2024 оны 12 дугаар сарын 31-ний өдрийн байдлаарх компанийн санхүүгийн байдал, уг өдрөөр дуусгавар болсон жилийн үйл ажиллагааны үр дүн, мөнгөн гүйлгээг Санхүүгийн тайлагналын олон улсын стандартын дагуу үнэн зөв, бодитой илэрхийлсэн гэдгийг үүгээр мэдэгдэж байна.

ТУЗ-ийн дарга
Ч.Ганхуяг
Огноо:

Гүйцэтгэх захирал
Б.Золбоо
Огноо:

Ерөнхий нягтлан бодогч
Б.Оюунсувд
Огноо:

Хараат бус аудиторын дүгнэлт

Ард санхүүгийн нэгдэл ХК-ийн хувьцаа эзэмшигчдэд:

Дүгнэлт

Бид Ард санхүүгийн нэгдэл ХК (цаашид “компани” гэх) -ийн 2024 оны 12 дугаар сарын 31-нээрх дараах санхүүгийн тайлангуудад (цаашид “санхүүгийн тайлан” гэх)-д аудит хийлээ. Үүнд:

- Тусдаа санхүүгийн байдлын тайлан,
- Тусдаа орлогын дэлгэрэнгүй тайлан,
- Тусдаа өмчийн өөрчлөлтийн тайлан,
- Тусдаа мөнгөн гүйлгээний тайлан болон
- Нягтлан бодох бүртгэлийн гол бодлогын хураангуй,
- Материаллаг нягтлан бодох бүртгэлийн бодлогын мэдээлэл болон бусад тайлбар тодруулгууд

Бидний дүгнэлтээр, Ард санхүүгийн нэгдэл ХК-ийн 2024 оны 12 дугаар сарын 31-нээрх тусдаа санхүүгийн байдал ба уг өдрөөр дуусгавар болсон жилийн санхүүгийн үр дүн ба мөнгөн гүйлгээ нь бүх материаллаг зүйлсийн хувьд Санхүүгийн тайлагналын олон улсын стандартын дагуу үнэн зөв, бодитой илэрхийлэгдсэн байна.

Дүгнэлтийн үндэслэл

Бид энэхүү аудитын ажлыг Аудитын олон улсын стандарт (АОУС)-уудын дагуу хийж гүйцэтгэв. Уг стандартуудын дагуу хүлээсэн үүрэг хариуцлагаа энэ тайлангийнхаа *Санхүүгийн тайлангийн аудитад хүлээх аудиторын үүрэг хариуцлага* гэсэн хэсэгт харуулав.

Хараат бус байдал

Бид Нягтлан Бодогчдын Ёс Зүйн Олон Улсын Стандартын Зөвлөл (НБЁЗОУСЗ)-өөс баталж гаргадаг Мэргэжлийн Нягтлан Бодогчдын Олон Улсын Ёс Зүйн Дүрмийг (Хараат Бус Байдлын Олон Улсын Стандартыг багтаасан) баримтлан, нийтийн сонирхол бүхий аж ахуйн нэгжийн санхүүгийн тайлангийн аудитад хамаарах Монгол улсын ёс зүйн шаардлагуудын дагуу тус аж ахуйн нэгжээс хараат бус байж, эдгээр ёс зүйн шаардлагууд болон НБЁЗОУСЗ-ийн дүрэмд нийцүүлэн ёс зүйн үүрэг хариуцлагаа бүрэн биелүүлсэн болно. Олж авсан аудитын баримт нотолгоо нь бидний гаргасан дүгнэлтийн үндэслэл болоход хангалттай, зохистой гэж итгэж байна.

Аудитын аргачлалын хураангуй

Аудитын гол асуудлууд	Хаалттай хувьцаат компаниудад оруулсан хөрөнгө оруулалтын бодит үнэ цэнийг үнэлж, бүртгэсэн.
Материаллаг байдал	- Тусдаа санхүүгийн тайлангийн аудитад ашигласан нийт материаллаг байдал нь 253,772.3 мянган төгрөг ба материаллаг байдлыг сонгохдоо нийт зардлын 3%-иар тооцсон. - Өмнөх аудитын зөвлөмж, тайлангийн дүгнэлтэд үндэслэн компанийн буруу тайлагналыг үнэлэхэд тохиромжтой үзүүлэлт гэж үнэлэн тогтоосон.

Аудитын гол асуудлууд

Бидний мэргэжлийн үнэлэмжээр аудитын гол асуудлууд гэж тайлант үеийн санхүүгийн тайлангийн аудитад хамгийн их нөлөөтэй асуудлууд юм. Санхүүгийн тайланд хийсэн аудитынхаа хүрээнд эдгээр асуудлуудыг тусдаа байдлаар авч үзсэн ба дүгнэлтээ гаргахдаа эдгээр асуудлуудад тус бүрчлэн тусдаа дүгнэлт гаргаагүй болно.

Аудитын гол асуудал

Аудитын гол асуудалд авсан хариу арга хэмжээ

Хаалттай хувьцаат компаниуд оруулсан хөрөнгө оруулалт	Гүйцэтгэсэн аудитын горим
“Ард санхүүгийн нэгдэл” ХК нь тайлант хугацаанд хувьцааг нь 90-100 хувь эзэмшиж, бүрэн хянадаг охин компаниудад оруулсан хөрөнгө оруулалтыг СТОУС 13 Бодит Үнэ Цэнийн Хэмжилт-ийн дагуу үнэлж, санхүүгийн тайландаа бодит үнэ цэнээр нь хүлээн зөвшөөрсөн. Эдгээр компаниуд нь хаалттай компаниуд бөгөөд компанийн удирдлага эдгээр компаниудын бодит үнэ цэнийг санхүүгийн тайлагналын зорилгоор үнэлсэн ба Үнэлгээний олон улсын стандартад заасан цэвэр хөрөнгийн арга, дундаж харьцааны арга болон өртгийн аргаар үнэлсэн. Үнэлгээний үр дүнд хаалттай компаниудын бодит үнэ цэнэ нь материаллаг хэмжээгээр буурсан ба үнэлгээнд их хэмжээний тооцоолол, мэргэжлийн шийдэл ашигласан тул аудитын гол асуудал гэж үзсэн.	Хаалттай охин компаниудад оруулсан хөрөнгө оруулалтын бодит үнэ цэнийг үнэлж, тусдаа санхүүгийн тайланд хүлээн зөвшөөрсөн асуудлыг аудитор хянахдаа дараах горимуудыг ашигласан. Үүнд: - Эдгээр хөрөнгө оруулалтыг үнэлэхдээ компанийн удирдлагын ашигласан тооцоолол, мэргэжлийн шийдэл үндэслэлтэй эсэх, тооцсон арга аргачлал, үнэлгээ бодитой эсэхийг хараат бус хөндлөнгийн мэргэжлийн үнэлгээчнээр шалгуулсан. - Үнэлгээ нь Хөрөнгөд суурилсан аргад илүү суурилсан учраас охин компаниудын нийт хөрөнгөд хамгийн материаллаг хэмжээгээр нөлөөлсөн орц, хүчин зүйлсүүд буюу оруулсан хөрөнгө оруулалтууд, арилжих зорилготой активууд, биет болон биет бус хөрөнгүүдийн дансны үнэ нь бодит үнэ цэнийг илэрхийлж байгаа эсэхийг хянасан. Үнэлгээнд ашигласан арга хандлага, тооцоолол мэргэжлийн шийдлийг хэрхэн сонгосон талаар Компанийн удирдлагатай ярилцаж, шалтгааныг тодруулсан.

Бусад мэдээлэл

Удирдлага бусад мэдээлэлд хариуцлага хүлээнэ. Бусад мэдээлэл компанийн 2024 оны 12 дугаар сарын 31-нээрх жилийн тайланд багтсан мэдээллээс бүрдэх ба харин тусдаа санхүүгийн тайлан болон манай аудиторын тайланг багтаахгүй. Жилийн тайлан нь энэхүү аудиторын тайлан гарсан өдрөөс хойш бидэнд нээлттэй болно.

Тусдаа санхүүгийн тайланд өгсөн бидний дүгнэлт бусад мэдээллийг хамраагүй бөгөөд бид аливаа хэлбэрээр баталгаажуулалтын дүгнэлт илэрхийлэхгүй.

Тусдаа санхүүгийн тайланд бидний хийсэн аудиттай холбоотой бидний үүрэг хариуцлага бол дээр тодорхойлсон бусад мэдээлэл бидэнд нээлттэй болсон үед уншиж танилцах, ингэхдээ уг бусад мэдээлэл нь тусдаа санхүүгийн тайлан эсвэл аудитаар бидний олж авсан мэдлэгтэй материаллаг хэмжээгээр харшилж байгаа эсвэл өөрөөр материаллаг байдлаар буруу илэрхийлэгдсэн эсэхийг авч үзэх юм.

Удирдлага болон Засаглах эрх мэдэл бүхий этгээдүүдийн тусдаа санхүүгийн тайланд хүлээх үүрэг хариуцлага

Компанийн удирдлага эдгээр тусдаа санхүүгийн тайлангуудыг Санхүүгийн тайлагналын олон улсын стандартын дагуу бэлтгэх, үнэн зөв толилуулах үүрэгтэй. Удирдлагын тодорхойлох энэхүү дотоод хяналт нь тусдаа санхүүгийн тайланг аливаа алдаа эсвэл залилангийн улмаас үүсч болох материаллаг буруу илэрхийлэлгүй бэлтгэхэд шаардлагатай байдаг.

Удирдлага нь тусдаа санхүүгийн тайланг бэлтгэхдээ компанийн үйл ажиллагааг зогсоох юмуу татан буулгахаар төлөвлөсөн эсвэл ингэхээс өөр бодит сонголт байхгүй байхаас бусад тохиолдолд санхүүгийн тайлангуудыг гаргахдаа тасралтгүй байх зарчмын дагуу үйл ажиллагаагаа зогсолтгүй явуулах компанийн чадамжийг үнэлэх, боломжтой бол тасралтгүй байх зарчимтай холбоотой асуудлуудыг тодруулах, нягтлан бодох бүртгэлийн тасралтгүй байх суурийг хэрэглэх үүрэг хариуцлагыг хүлээнэ.

Засаглах эрх мэдэл бүхий этгээдүүд нь компанийн санхүүгийн тайлагналын үйл явцад хяналт тавих үүрэг хариуцлагатай байна.

Санхүүгийн тайлагналын аудитад хүлээх аудиторовн үүрэг хариуцлага

Залилан эсвэл алдаанаас үүссэн материаллаг буруу илэрхийллээс тусдаа санхүүгийн тайланг нь бүхэлдээ анги эсэх талаарх үл үндэслэлтэй нотолгоо олж авах, дүгнэлт бүхий аудиторовн тайлан гаргах нь бидний зорилго юм. Үл үндэслэлтэй нотолгоо гэдэг нь өндөр түвшний нотолгоо боловч АОУС-ын дагуу хийгдсэн аудитаар оршин байгаа материаллаг алдаа зөрчлийг илрүүлдэг гэсэн нотолгоо болохгүй.

Буруу илэрхийлэх явдал нь залилан эсвэл алдаанаас үүсч болох ба хэрэв тэр нь дангаараа эсвэл нийтдээ тусдаа санхүүгийн тайланд үндэслэн гаргасан хэрэглэгчдийн эдийн засгийн шийдвэрт нөлөөлөх магадлалтай бол материаллагт тооцогддог.

Аудитор нь залилан зэрэг хууль бус асуудлуудыг илрүүлэх чадавхийг ямар цар хүрээнд авч үзсэн талаарх тайлбар

АОУС-ын дагуух аудитын нэг хэсэг байдлаар бид мэргэжлийн шийдэл ашиглаж аудитын ажлын явцад мэргэжлийн үл итгэх үзлийг хандлагыг баримтлан ажилладаг. Үүнд:

- Залилан эсвэл алдааны улмаас тусдаа санхүүгийн тайлан материаллаг буруу илэрхийлэгдэх эрсдлийг тодорхойлж, түүнийг үнэлэн уг эрсдэлд тохирохуйц аудитын горимыг боловсруулан хэрэгжүүлж өөрсдийн дүгнэлтийнхээ үндэслэл болохуйц хангалттай, тохиромжтой аудитын баримт нотолгоог олж авдаг. Залилангаас үүссэн материаллаг буруу илэрхийллийг илрүүлэхгүй байх эрсдэл нь алдаанаас үүссэн буруу илэрхийллийг илрүүлэхгүй байх эрсдлээс харьцангуй их байдаг, учир нь залиланд хуйвалдаан, бичиг баримт хуурамчаар үйлдэх, санаатайгаар орхигдуулах, буруу илэрхийлэх болон дотоод хяналтыг орхигдуулах явдлууд багтсан байж болно.
- Компанийн дотоод хяналтын үр ашигтай байдалд санал дүгнэлт өгөх зорилгоор биш харин тухайн нөхцөл байдалд тохирохуйц аудитын горим боловсруулах зорилгоор аудитын ажилтай холбоотой дотоод хяналтын талаар ойлголт олж авдаг.
- Удирдлагын ашиглагдсан нягтлан бодох бүртгэлийн бодлогын тохиромжтой байдал, нягтлан бодох бүртгэлийн тооцоолол болон холбогдох тодруулгын үл үндэслэлтэй, байдлыг үнэлдэг.
- Нягтлан бодох бүртгэлийн тасралтгүй байх суурийг удирдлага зохистой хэрэглэсэн эсэх, мөн олж авсан аудитын баримт нотолгоонд үндэслэн Компанийн тасралтгүй үйл ажиллагаагаа үргэлжлүүлэн явуулах чадамжид мэдэгдэхүйц эргэлзээ үүсгэхүйц үйл явдал, нөхцөл

байдалтай холбоотой материаллаг тодорхой бус байдал оршин байгаа эсэхийг тодорхойлдог. Хэрэв материаллаг хэмжээний тодорхой бус байдал оршин байна гэж үзвэл аудиторын тайландаа тусдаа санхүүгийн тайлангийн холбогдох тодруулгад анхаарал хандуулах эсвэл ийм тодруулга хийх нь хангалтгүй бол дүгнэлтээ өөрчлөх шаардлагатай болдог. Аудиторын тайлан гарах өдөр хүртэлх олж авсан аудитын баримт нотолгоондоо үндэслэн бид дүгнэлтээ гаргадаг. Гэхдээ ирээдүйн үйл явдал, эсвэл нөхцөл байдал Компани тасралтгүй байх зарчмын дагуу үйл ажиллагаагаа үргэлжлүүлэн явуулах боломжгүй болгоход хүргэж болно.

- Тодруулгыг багтаагаад тусдаа санхүүгийн тайлангийн ерөнхий толилуулга, бүтэц, агуулгыг үнэлж тусдаа санхүүгийн тайланд үнэн зөв толилуулгын шаардлагыг хангахуйц хэмжээнд гол гол ажил гүйлгээ, үйл явдлыг илэрхийлсэн эсэхийг тодорхойлдог.
- Тусдаа санхүүгийн тайланд дүгнэлт өгөх зорилгоор компани доторх бизнесийн үйл ажиллагааны санхүүгийн мэдээллийн талаар хангалттай зохистой нотолгоо олж авдаг. Бид компанийн аудитыг чиглүүлэх, хянах, гүйцэтгэх үүрэгтэй. Бид зөвхөн өөрсдийн аудитын дүгнэлтдээ хариуцлага хүлээнэ.

Бид аудитын ажлын төлөвлөсөн хамрах хүрээ, цаг хугацаа болон аудитын явцад олж илрүүлсэн дотоод хяналтын мэдэгдэхүйц доголдлыг багтаагаад нөлөө бүхий аудитын илрүүлэлтүүд, бусад томоохон асуудлуудаар засаглах эрх мэдэл бүхий удирдлагатай харилцдаг.

Бид хараат бус байдлын талаар холбогдох ёс зүйн шаардлагуудад нийцсэн гэдгээ засаглах эрх мэдэл бүхий этгээдүүдэд мэдэгддэг ба мөн бид тэдгээр хүмүүстэй бүх харилцаа холбоо болон шаардлагатай гэж үзвэл холбогдох хамгаалалт зэрэг бидний хараат бус байдлын хүрээнд бодолцож үзвэл зохих асуудлуудаар харилцдаг.

Засаглах эрх мэдэл бүхий этгээдүүдтэй харилцсан асуудлуудаас тайлант үеийн тусдаа санхүүгийн тайлангийн аудитад чухал асуудлуудыг тодорхойлж тэдгээр асуудлаа аудитын гол асуудлууд гэж үздэг. Хууль, дүрэм журмаар аливаа асуудлыг олон нийтэд мэдээллэхийг хориглосон эсвэл тун ховор тохиолдолд аудиторын тайландаа аливаа асуудлаар харилцах нь тухайн харилцаанаас хүртэх олон нийтийн үр өгөөжөөс илүү сөрөг үр дагавартай учраас аудиторын тайландаа харилцахгүй байх нь зүйтэй гэж үзсэнээс бусад тохиолдолд тэдгээр асуудлыг аудиторын тайландаа тодорхойлдог.

Энэхүү Хараат бус аудиторын тайланг гаргахад оролцсон гэрээт ажлын Партнер нь Н.Эрдэнэцог болно.

Б.ОСОРГАРАВ
УДИРДАХ ПАРТНЕР
[огноо]

Н.ЭРДЭНЭЦОГ
ГЭРЭЭТ АЖЛЫН ПАРТНЕР
[огноо]

Тусдаа санхүүгийн байдлын тайлан

Мянган төгрөгөөр	Тодруулга	2024 оны 12 сарын 31- ний үлдэгдэл	2023 оны 12 сарын 31- ний үлдэгдэл
Хөрөнгө			
Эргэлтийн хөрөнгө			
Мөнгө, түүнтэй адилтгах хөрөнгө	8	5,202	328,802
Дансны болон бусад авлага	9	51,981,471	53,515,762
Бараа материал	10	111,794	104,242
Урьдчилж төлсөн зардал/тооцоо	11	1,867,500	10,939,632
Бусад санхүүгийн хөрөнгө	12	248,724	705,265
Борлуулах зорилгоор эзэмшиж байгаа хөрөнгө	13	4,095,647	-
Эргэлтийн хөрөнгийн дүн		58,310,338	65,593,703
Эргэлтийн бус хөрөнгө			
Үндсэн хөрөнгө, цэвэр	14	260,295	292,227
Биет бус хөрөнгө, цэвэр	15	500,764	262,280
Ашиглах эрхтэй хөрөнгө	16.1	4,161,784	596,640
Урт хугацаат хөрөнгө оруулалт	17	51,612,805	82,162,831
Бусад эргэлтийн бус хөрөнгө		576	34,132
Эргэлтийн бус хөрөнгийн дүн		56,536,224	83,348,110
Нийт хөрөнгө		114,846,562	148,941,813
Өр төлбөр ба эздийн өмч			
Өр төлбөр			
Богино хугацаат өр төлбөр			
Дансны болон бусад өглөг	18	32,120,066	21,834,791
Урьдчилж орсон орлого	19	7,525,707	19,407,578
Богино хугацаат зээл	20	6,960,734	6,852,426
Богино хугацаат хаалттай бондын өр төлбөр	21	370,000	370,000
Богино хугацаат санхүүгийн түрээсийн өглөг	16.2	1,319,671	608,298
Богино хугацаат өр төлбөрийн дүн		48,296,178	49,073,093

Тусдаа санхүүгийн байдлын тайлан (үргэлжлэл)

Мянган төгрөгөөр	Тодруулга	2024 оны 12 сарын 31- ний үлдэгдэл	2023 оны 12 сарын 31- ний үлдэгдэл
Урт хугацаат өр төлбөр			
Урт хугацаат санхүүгийн түрээсийн өглөг	16.2	2,963,093	-
Урт хугацаат зээл	20	7,758,183	12,193,298
Хойшлогдсон татварын өр	22	1,207,756	3,413,193
Урт хугацаат өр төлбөрийн дүн		11,929,032	15,606,491
Өр төлбөрийн нийт дүн		60,225,210	64,679,584
Эздийн өмч			
Хувийн өмч	23.1	28,614,263	28,614,263
Нэмж төлөгдсөн капитал	23.3	2,927,696	2,927,696
Дахин үнэлгээний нөөц	23.5	1,803,519	28,362,014
Эздийн өмчийн бусад хэсэг		13,799	13,799
Хуримтлагдсан ашиг	23.4	21,262,075	24,344,457
Эздийн өмчийн дүн		54,621,352	84,262,229
Өр төлбөр ба эздийн өмчийн дүн		114,846,562	148,941,813

Уг тусдаа санхүүгийн байдлын тайлангбатлав:

Б.Золбоо
Гүйцэтгэх захирал

Б.Оюунсүвд
Ерөнхий нягтлан бодогч

Хуудас [...] - [...] -д харуулсан тодруулгууд нь энэхүү тусдаа санхүүгийн байдлын тайлангийн салшгүй нэг хэсэг болно.

Тусдаа орлогын дэлгэрэнгүй тайлан

Мянган төгрөгөөр	Тодруулга	2024 он	2023 он
Менежмент, зөвлөх үйлчилгээний орлого	24.1	3,513,280	3,765,932
Ногдол ашгийн орлого	24.2	871,915	45,722
Хөрөнгө оруулалтын борлуулснаас үүссэн олз	24.3	5,590,160	5,969,146
Нийт орлого		9,975,355	9,780,800
Борлуулалт, маркетингийн зардал	25	(685,751)	(1,193,239)
Ерөнхий ба удирдлагын зардал	26	(5,517,215)	(6,341,019)
Бусад зардал	27	(351,230)	(686,768)
Үндсэн үйл ажиллагааны ашиг		3,421,159	1,559,774
Санхүүгийн зардал	28	(3,105,296)	(2,574,360)
Гадаад валютын ханшийн тэгшитгэлийн ашиг (алдагдал)	29	(67,135)	102,551
Виртуал хөрөнгийн үнэлгээнээс үүссэн олз (гарз)	30	(412,132)	1,497,273
Татвар төлөхийн өмнөх ашиг (алдагдал)		(163,404)	585,238
Орлогын татварын (зардал) өгөөж	31	255,926	(469,566)
Татварын дараах ашиг (алдагдал)		92,522	115,672
Зогсоосон үйл ажиллагааны татварын дараах ашиг (алдагдал)		-	-
Тайлант үеийн цэвэр ашиг (алдагдал)		92,522	115,672
Бусад дэлгэрэнгүй орлого			
Хөрөнгө оруулалт болон виртуал хөрөнгийн үнэлгээний гарз (Тодруулга 25.4)		(29,819,473)	(19,465,527)
Бусад дэлгэрэнгүй орлогын дүн		(29,819,473)	(19,465,527)
Нийт дэлгэрэнгүй орлогын дүн		(29,819,473)	(19,349,855)
Нэгж хувьцаанд ногдох суурь ашиг (алдагдал)		(1.04)	0.02

Хуудас [...] - [...] -д харуулсан тодруулгууд нь энэхүү тусдаа орлогын дэлгэрэнгүй тайлангийн салшгүй нэг хэсэг болно.

Тусдаа өмчийн өөрчлөлтийн тайлан

Мянган төгрөгөөр	Хувьцаат капитал	Нэмж төлөгдсөн капитал	Дахин үнэлгээний нөөц	Эздийн өмчийн бусад хэсэг	Хуримтлагдсан ашиг	Нийт өмч
2023 оны 01 сарын 01-ний үлдэгдэл	28,614,263	2,927,696	52,792,679	13,799	19,263,647	103,612,084
Тайлант үеийн цэвэр ашиг (алдагдал)	-	-	-	-	115,672	115,672
Хөрөнгийн бодит үнэ цэнийн өөрчлөлт	-	-	(19,465,527)	-		(19,465,527)
Дахин үнэлгээний нэмэгдлийн хэрэгжсэн дүн	-	-	(4,965,138)	-	4,965,138	-
2023 оны 12 сарын 31-ний үлдэгдэл	28,614,263	2,927,696	28,362,014	13,799	24,344,457	84,262,229
Нягтлан бодох бүртгэлийн алдааны залруулга					86,074	86,074
Залруулсан үлдэгдэл	28,614,263	2,927,696	28,362,014	13,799	24,430,531	84,348,303
2024 оны 01 сарын 01-ний үлдэгдэл	28,614,263	2,927,696	28,362,014	13,799	24,430,531	84,348,303
Тайлант үеийн цэвэр ашиг (алдагдал)	-	-	-	-	92,522	92,522
Хөрөнгийн бодит үнэ цэнийн өөрчлөлт	-	-	(29,819,473)	-	-	(29,819,473)
Дахин үнэлгээний нэмэгдлийн хэрэгжсэн дүн	-	-	3,260,978	-	(3,260,978)	-
2024 оны 12 сарын 31-ний үлдэгдэл	28,614,263	2,927,696	1,803,519	13,799	21,262,075	54,621,352

Хуудас [...] - [...] -д харуулсан тодруулгууд нь энэхүү тусдаа өмчийн өөрчлөлтийн тайлангийн салшгүй нэг хэсэг болно.

Тусдаа мөнгөн гүйлгээний тайлан

Мянган төгрөгөөр	2024 он	2023 он
Үндсэн үйл ажиллагааны мөнгөн гүйлгээ		
Мөнгөн орлогын дүн	2,344,641	3,765,932
Бараа борлуулсан, үйлчилгээ үзүүлсний орлого	2,343,961	3,765,932
Эрхийн шимтгэл, хураамж, төлбөрийн орлого	75	-
Даатгалын нөхвөрөөс хүлээн авсан мөнгө	605	-
Мөнгөн зарлагын дүн	7,034,217	11,060,261
Ажиллагчдад төлсөн	1,039,585	1,315,769
Нийгмийн даатгалын байгууллагад төлсөн	294,556	285,588
Бараа материал худалдан авахад төлсөн	-	58,544
Ашиглалтын зардалд төлсөн	39,649	86,183
Түлш шатахуун, тээврийн хөлс, сэлбэг хэрэглүүрт төлсөн	96,069	92,262
Хүүний төлбөрт төлсөн	1,070,007	3,382,656
Татварын байгууллагад төлсөн	100,604	779,878
Даатгалын төлбөрт төлсөн	16,554	29,835
Бусад мөнгөн зарлага	4,377,191	5,029,546
Үндсэн үйл ажиллагааны цэвэр мөнгөн гүйлгээний дүн	(4,689,574)	(7,294,329)
Хөрөнгө оруулалтын үйл ажиллагааны мөнгөн гүйлгээ		
Мөнгөн орлогын дүн	39,672,400	54,448,605
Хөрөнгө оруулалт борлуулсны орлого	56,337	-
Бусад урт хугацаат хөрөнгө борлуулсны орлого	-	505,881
Бусдад олгосон зээл, мөнгөн урьдчилгааны буцаан төлөлт	39,557,503	52,830,278
Хүлээн авсан хүүний орлого	6,772	1,067,551
Хүлээн авсан ногдол ашиг	51,788	44,894

Тусдаа мөнгөн гүйлгээний тайлан (үргэлжлэл)

Мянган төгрөгөөр	2024 он	2023 он
Мөнгөн зарлагын дүн	40,352,900	56,662,658
Үндсэн хөрөнгө олж эзэмшихэд төлсөн	42,541	33,948
Хөрөнгө оруулалт олж эзэмшихэд төлсөн	18,389,702	15,540,791
Бусдад олгосон зээл болон урьдчилгаа	21,920,657	41,087,919
Хөрөнгө оруулалтын үйл ажиллагааны цэвэр мөнгөн гүйлгээний дүн	(680,500)	(2,214,053)
Санхүүгийн үйл ажиллагааны мөнгөн гүйлгээ		
Мөнгөн орлогын дүн	14,648,028	13,939,021
Зээл авсан, өрийн үнэт цаас гаргаснаас хүлээн авсан	14,648,028	13,939,021
Мөнгөн зарлагын дүн	9,601,554	4,105,753
Зээл, өрийн үнэт цаасны төлбөрт төлсөн мөнгө	9,601,554	4,061,364
Төлсөн ногдол ашиг	-	44,389
Санхүүгийн үйл ажиллагааны цэвэр мөнгөн гүйлгээний дүн	5,046,474	9,833,268
Бүх цэвэр мөнгөн гүйлгээ	(323,600)	(326,805)
Мөнгө, түүнтэй адилтгах хөрөнгийн эхний үлдэгдэл	328,802	3,917
Мөнгө, түүнтэй адилтгах хөрөнгийн эцсийн үлдэгдэл	5,202	328,802

Хуудас [...] - [...] -д харуулсан тодруулгууд нь энэхүү тусдаа санхүүгийн тайлангийн салшгүй нэг хэсэг болно.